

Igor Astarloa: "Aurtengoa nere urtea izan daiteke"

2 urte egin berriak eta dagoeneko ziklo-krossean lorturiko garaipenak atzean utzi eta zaletuetan bere lekua bereganatu du. Aurtengoa, Banesto utzi eta be-

rriro ere Baque taldera itzuli da. Denboraldia bi garaipenez hasteak lasaitu egiten duen arren, bukaeran profesionaletara pasatzeko aukera izatea espero du.

DROGETENITTURRI- ZENBAT DENBORALDI ZALETU MAILAN?

Igor Astarloa- Laugarren denboraldia betetzen dut aurtengo honekin, hiru Baquen eta iazkoa Baneston.

D.- AURTEN BERRIZ BAQUE-RA ITZULTZEA ERABAKI DUZU...

I.A.- Bai, iaz Banestok eskeintza egin eta hara joatea erabaki nuen. Hiru txirrindulari, Sastre, Mancebo

eta hirurok, puntaren puntan ibili ginen denboraldi osoan. Bukaeran ordea, profesionaletara Mancebo eta beste hiru txirrindulari pasatuko zirela jakin genuen. Horrek asko mindu ninduen.

D.- BIDASOAKO ITZULIAN ERORI EZ BAZINA...


I.A.- Bai, hala da. Bidasoako Itzulian, Jaizkibel jaisten nengoela, erori egin nintzen. Eritetxean nahiko larri egon nintzen. Denbora dexente geldi eta ez nuen aurreko gorputzaldia berreskuratzetik izan.

D.- AURTEN, DENBORALDIA OSO ONDO HASI DUZU.

I.A.- Valladolid-eko Itzulia eta Santander-eko lasterketa bat irabazi ditut. Momentuz gauzak bide onetik doaz.

D.- HORRILLOREN PAUSUAK JARRAITZEKO PREST?

I.A.- Horixe da guztion nahia. Orainartean, txirrindulari erregularra izan naiz, postu onak eginaz eta



TXALAPARTA Taberna

PATXI Taberna

Bar EGO-GAIN

Bar AITZGORRI



ZARAUZTARRAJatetxea

JAI ALAI Taberna

SIRIMIRI

HERGA Kafetegia



abar, baina konturatu naiz, postuak baino, irabazteak balio duela zerbait egin nahi bada. Hori dela-eta, denboraldi hasieran bi garaipen izateak lasaitu egiten nau. Denboraldiaren bukaeran ikusiko dugu ea zerbait egiteko aukerarik dudan.

D.- PEDROREN LAGUN HANDIA IZANIK, BERE AHOLOKUAK LAGUNGARRI IZANGO DIRA.

I.A.- Bai, Horrilloren lagun handia naiz. Txikitatik ezagutzen dut, eta elkarrekin entrenatzen eman ditugu urteak. Bere bizipen berriak kontatzen dizkit eta oso baliagarriak dira edozeinentzat: lasterketen abiadura, bestee-kiko harremanak eta abar.

D.- ZEIN FROGA DUZU HURRENA?

I.A.- Balenziaga Memoriala, Beasaingo Klasikoa, Araba eta Bidasoako Itzuliak. Azken hau zale-tuen mailan itzuli garrantzitsua da.

D.- ZERBAIT GEHITU NAHI?

I.A.- Ermuko Txirrindularien-tzako txoko baten premia dugula esan nahi nuke. Iñaki Cerin-en masaiak jasotzeaz gain, txirrindulariok solasera-ko gunee lasai bat nahiko genuke. Udalari eskaera egitekotan gabiltza.

Testua: Asier Ibaibarriaga

Argazkiak: Santos Vega

Publizitate erreportajea

PUBLIZITATEA EGITEKO MODUAK ETA MODUAK

Bada enpresa bat, Durangon kokatua, beste guztiengandik gailentzen dena, bere publizitatea kulturalan, euskararen, kirolan eta abarreko kontaezin ahala ekintzatan agertzen delako. BAQUE etxeaz ari gara. Emilio Baqué Delás jauna-rekin gaude (Cafés Baqué enpresako Zuzendaria)

Galdera: Emilio, euskararen aldeko topaketa eta bilgune handi guztietan ikusten zaituztet -Kilometroak, Ibilaldia, Herri Urrats...-. Zergatik hori? Euskara maite duzelako ala errentagarritasunagatik?

Emilio: Egia esateko, hasiera batean laguntza bat ematea beste asmorik ez genuen, euskarari diru laguntza ematea. Baina, honelako hainbeste eta hainbeste ekintzatan egon ondoren, azkenerako, sinpatiatatik edo esker onez, errentagarri ere badela uste dugu.

G. Zentzu honetan ze nolako beste ardurak dituzue?

E. Euskarazko argitalpenen literatura sarietan eskuhartu izan dugu, IRUNA Saria. Urtero Durangoaldeko Antzerki saria eman ohi dugu, abesbatzen hainbat disko lagundu eta argitaratu ditugu eta Euskal Herriko Historiari buruzko liburuak ere argitaratu izan ditugu.

G. Bai telebistan eta bai kalean, BAQUE kamiseta eta txandal ugari ikusi ohi dugu...

E. Hala da, Saskibaloian, Txirrindularitzan eta Pilotan batez ere. Orain dela 25, 20 eta 12 urte hasi ginen, batean eta bestean. Atletismoan, Arraunean eta beste kirol batzuetan ere aritzen gara geure ahalegintxoaz jartzen; baina, hori bai, beti zaletasunezko eta oinarriko kirola da guk bultzatzen duguna.



Emilio Baqué.
Cafés BAQUEko
Zuzendari Gerentea.

G. Saltzeko garaian Euskara asko erabiltzen duzue. Errentagarria al da?

E. Beti ez ditugu gauzak errentagarritasun hutsagatik egiten. Motibazio ugari dira gehien bat euskal giroan ibiltzera eta mezua euskaraz ematera bultzatzen gaituztenak. Azkenerako denak du bere ordaina, nahiz eta iristen zertxobait denbora gehiago behar izan.

Cafés Baqué gaur gure aldizkarian azaltzea, beste enpresa batzuentzat pizgarri izatea nahi genuke.

Zabaldur bedi erredua.

LARRAITZ ODRIOZOLA